



საქართველოს ტექნიკური უნივერსიტეტი

სამშენებლო ფაკულტეტი

დებულება

შემუშავებულია ფაკულტეტის საბჭოს მიერ
ოქმი №24 23.03.2018 წელი

დამტკიცებულია სტუ-ს სენატის მიერ

დადგენილება №.. (სხდომა ..) მარტი 2018 წელი

01-06-02/29, 16:02 № 01-06-02/05

02.04.2018.

თბილისი

2018

სარჩევი

თავი I. ზოგადი დებულება	4
მუხლი 1. დებულების რეგულირების სფერო	4
მუხლი 2. ფაკულტეტის სტატუსი	4
მუხლი 3. ფაკულტეტის უფლებამოსილება	4
თავი II. ფაკულტეტის მიზნები, ამოცანები და საქმიანობის ძირითადი მიმართულებები .	5
მუხლი 4. ფაკულტეტის მიზნები და ამოცანები	5
მუხლი 5. ფაკულტეტის საქმიანობის ძირითადი მიმართულებები	6
თავი III. ფაკულტეტის სტრუქტურა	6
მუხლი 6. ფაკულტეტის სტრუქტურა	6
მუხლი 7. ფაკულტეტის მართვის ორგანოები (მმართველი სუბიექტები).....	6
მუხლი 8. ფაკულტეტის საბჭო	7
მუხლი 9. ფაკულტეტის საბჭოს უფლებამოსილება	7
მუხლი 10. ფაკულტეტის დეკანი	8
მუხლი 11. ფაკულტეტის ხარისხის უზრუნველყოფის სამსახური	10
მუხლი 12. ფაკულტეტის სათათბირო	11
მუხლი 13. ფაკულტეტის მენეჯერი	12
მუხლი 14. ფაკულტეტის მზრუნველთა საბჭო.....	13
თავი IV. ფაკულტეტის სადისერტაციო საბჭო	14
მუხლი 15. ფაკულტეტის სადისერტაციო საბჭოს მიზანი	14
მუხლი 16. სადისერტაციო საბჭოს სტრუქტურა და შემადგენლობა	14
თავი V. ფაკულტეტის სასწავლო და სამეცნიერო-კვლევითი ერთეულები	15
მუხლი 17. ფაკულტეტის სასწავლო და სამეცნიერო-კვლევითი ერთეულები	15
მუხლი 18. აკადემიური დეპარტამენტი და მისი სტატუსი	15
მუხლი 19. აკადემიური დეპარტამენტის საქმიანობის სფერო, ძირითადი ამოცანები და ფუნქციები	16
მუხლი 20 სამეცნიერო-კვლევითი (სამეცნიერო-კვლევითი ინსტიტუტი, ლაბორატორია, პროგრამული მიმართულება, ცენტრი და სხვა) ერთეულები	17
თავი VI. ფაკულტეტის დამხმარე სტრუქტურული ერთეულები ..	17
მუხლი 21. ფაკულტეტის დამხმარე სტრუქტურული ერთეულები ..	17
მუხლი 22. ფაკულტეტის კომისიები და კოლეგიები	23
თავი VII. ფაკულტეტის პერსონალი	24
მუხლი 23. პერსონალი	24
მუხლი 24. აკადემიური პერსონალი	24
მუხლი 25. აკადემიური თანამდებობის დაკავება	24
მუხლი 26. ადმინისტრაციული თანამდებობები და სხვა პერსონალი	24

თავი VIII. სტუდენტი	25
მუხლი 27. სტუდენტის სტატუსის მოპოვება	25
მუხლი 28. სტუდენტის უფლებები	25
მუხლი 29. სტუდენტის ვალდებულებები	27
მუხლი 30. სტუდენტური თვითმმართველობა.....	27
თავი IX. ფაკულტეტის ბიუჯეტი	28
მუხლი 31. ფაკულტეტის შემოსავლები	28
მუხლი 32. ფაკულტეტის ბიუჯეტი	28
თავი X. გარდამავალი და დასკვნითი დებულებანი.	28
მუხლი 33. ფაკულტეტის რეორგანიზაცია და ლიკვიდაცია	28
მუხლი 34. ფაკულტეტის დებულებაში ცვლილებებისა და დამატებების შეტანის წესი	29

თავი I

ზოგადი დებულებანი

მუხლი 1. დებულების რეგულირების სფერო

ეს დებულება „უმაღლესი განათლების შესახებ“ საქართველოს კანონისა და საქართველოს ტექნიკური უნივერსიტეტის წესდების საფუძველზე განსაზღვრავს საქართველოს ტექნიკური უნივერსიტეტის (შემდგომში „უნივერსიტეტი“) სამშენებლო ფაკულტეტის (შემდგომში „ფაკულტეტი“) მიზნებსა და ამოცანებს, ფაკულტეტის საგანმანათლებლო და სამეცნიერო-კვლევითი საქმიანობის მირითად მიმართულებებს, მართვის ორგანოებისა და პერსონალის დანიშვნისა და არჩევის წესს, მათ უფლება-მოვალეობებს, ფაკულტეტის მართვის პრინციპებს, ასევე ფაკულტეტის ფუნქციონირებასთან დაკავშირებულ სხვა საკითხებს.

მუხლი 2. ფაკულტეტის სტატუსი

1. ფაკულტეტი არის უნივერსიტეტის მირითადი საგანმანათლებლო ერთეული, რომელიც აკადემიური თავისუფლებისა და ინსტიტუციური ავტონომიის პირობებში შეიმუშავებს და ახორციელებს აკადემიური უმაღლესი განათლების სამივე საფეხურის (ბაკალავრიატი, მაგისტრატურა, დოქტორანტურა) და პროფესიულ საგანმანათლებლო პროგრამებსა და სამეცნიერო კვლევებს ინჟინერიის მიმართულებით.
2. ფაკულტეტის აქვს ბეჭედი ფაკულტეტის სახელწოდებით, აგრეთვე შესაბამისი ბლანკები და შტამპი.
3. ფაკულტეტის სრული სახელწოდებაა: სამშენებლო ფაკულტეტი; ინგლისურად – Faculty of Civil Engineering; რუსულად – Строительный факультет;

მუხლი 3. ფაკულტეტის უფლებამოსილება

1. ფაკულტეტი თავის საქმიანობაში ხელმძღვანელობს საქართველოს კონსტიტუციით, საქართველოს საერთაშორისო ხელშეკრულებებითა და შეთანხმებებით, „უმაღლესი განათლების შესახებ“ საქართველოს კანონით, საქართველოს სხვა ნორმატიული აქტებით, უნივერსიტეტის წესდებითა და ამ დებულებით.
2. ფაკულტეტი დამოუკიდებელია მოქმედი კანონმდებლობით, უნივერსიტეტის წესდებითა და ამ დებულებით განსაზღვრული კომპეტენციის შესაბამისად გადაწყვეტილებათა მიღებასა და მოქმედებათა განხორციელებაში.

თავი II.

ფაკულტეტის მიზნები, ამოცანები და საქმიანობის ძირითადი მიმართულებები

მუხლი 4. ფაკულტეტის მიზნები და ამოცანები

1. ფაკულტეტის ძირითადი მიზანია თანამედროვე მოთხოვნების შესატყვისი კომპეტენციის მქონე, საერთაშორისო შრომით ბაზარზე კონკურენტუნარიანი სპეციალისტების მომზადება/გადამზადება;
2. ფაკულტეტის ძირითადი ამოცანებია:
 - ა) პრაქტიკული ხასიათის საქმიანობაზე ორიენტირებული აკადემიური უმაღლესი განათლების მქონე პირების - ბაკალავრებისა და პროფესიული განათლების მქონე პირების - სპეციალისტების მომზადება/გადამზადება;
 - ბ) სამეცნიერო-კვლევით საქმიანობაზე ორიენტირებული აკადემიური უმაღლესი განათლების მქონე პირების - მაგისტრებისა და დოქტორების მომზადება.
3. ფაკულტეტი ვალდებულია, საქართველოს სახელმწიფოს განვითარების დონიდან გამომდინარე, შექმნას ოპტიმალური პირობები სწავლისა და დამოუკიდებელი კვლევისათვის, უზრუნველყოს მეცნიერების შესაბამის დარგებში თანამედროვე სტანდარტების შესატყვისი, მომავალზე ორიენტირებული განათლების მიღების შესაძლებლობა და მუდმივად იზრუნოს სასწავლო პირობების გაუმჯობესებაზე.
4. ფაკულტეტი მუდმივად ზრუნავს სამეცნიერო კვლევების განხორცილებაზე, რისთვისაც შესაბამისი წლის დამტკიცებული ბიუჯეტი ითვალისწინებს სათანადო ფინანსურ რესურსებს;
5. ფაკულტეტი ზრუნავს და ხელს უწყობს საერთაშორისო თანამშრომლობასა და ინტერნაციონალიზაციის პროცესის გაღრმავებას, მათ შორის, უცხოელი სტუდენტებისა და პერსონალის მოზიდვა/მობილობას. აგრეთვე, ზრუნავს უნივერსიტეტის მიერ სხვადასხვა ქვეყნის უნივერსიტეტებს შორის არსებული ხელშეკრულებების ფარგლებში, სტუდენტების გაცვლით საგანმანათლებლო პროგრამებში მონაწილეობის ხელშეწყობისთვის.
6. ფაკულტეტი ახალი პროგრამის შემუშავებასა ან/და განვითარებას ახორციელებს დამსაქმებელთა და პროფესიულ ასოციაციებთან მჭიდრო თანამშრომლობისა და მათი რეკომენდაციების გათვალისწინებით, უნივერსიტეტის საგანმანათლებლო პროგრამის დაგეგმვის, შემუშავების, შეფასებისა და განვითარების წესის მიხედვით.

მუხლი 5. ფაკულტეტის საქმიანობის ძირითადი მიმართულებები

ფაკულტეტის საქმიანობის ძირითადი მიმართულებებია:

- ა) მეცნიერების შესაბამის დარგებში საბაკალავრო, სამაგისტრო და სადოქტორო აკადემიური პროგრამების განხორციელება;
- ბ) პროფესიული განათლების პროგრამების განხორციელება;
- გ) სამეცნიერო-კვლევითი სამუშაოების წარმართვა;
- დ) საექსპერტო და საკონსულტაციო საქმიანობა.

თავი III. ფაკულტეტის სტრუქტურა

მუხლი 6. ფაკულტეტის სტრუქტურა

1. ფაკულტეტის შემადგენლობაში შედის ფაკულტეტის მართვის ორგანოები, სასწავლო (აკადემიური დეპარტამენტი), სამეცნიერო - კვლევითი და დამხმარე სტრუქტურული ერთეულები.
2. ფაკულტეტზე შექმნილია ფაკულტეტის სათათბირო და მენეჯერის თანამდებობა;
3. ფაკულტეტის საბჭოს წევრთა ხმათა უმრავლესობით მიღებული გადაწყვეტილებით ფაკულტეტზე შექმნილია მზრუნველთა საბჭო.
4. მზრუნველთა საბჭოს შემადგენლობას ფაკულტეტის საბჭოს წარდგინებით ამტკიცებს უნივერსიტეტის აკადემიური საბჭო;
5. ფაკულტეტის სტრუქტურასა და დებულებებს, ასევე, ფაკულტეტის სტრუქტურული ერთეულების დებულებებს, ფაკულტეტის საბჭოს წარდგინებით ამტკიცებს უნივერსიტეტის წარმომადგენლობითი საბჭო (სენატი).

მუხლი 7. ფაკულტეტის მართვის ორგანოები (მმართველი სუბიექტები)

1. ფაკულტეტის მართვის ორგანოებია (მმართველი სუბიექტებია): ფაკულტეტის საბჭო, დეკანი, ფაკულტეტის ხარისხის უზრუნველყოფის სამსახური.
2. ფაკულტეტის არჩევითი მმართველი სუბიექტების - დეკანისა და ფაკულტეტის ხარისხის უზრუნველყოფის სამსახურის ხელმძღვანელის არჩევა ხდება „საქართველოს ტექნიკური უნივერსიტეტისა და ფაკულტეტის მართვის ორგანოების (მმართველი სუბიექტების) არჩევნების ჩატარების შესახებ“ დებულებით (შემდგომში – არჩევნების ჩატარების საუნივერსიტეტო დებულება) დადგენილი წესით.

მუხლი 8. ფაკულტეტის საბჭო

1. ფაკულტეტის წარმომადგენლობითი ორგანოა ფაკულტეტის საბჭო, რომლის შემადგენლობაში შედის ფაკულტეტის აკადემიური პერსონალის ყველა წევრი და სტუდენტთა თვითმმართველობის წარმომადგენლები.
2. ფაკულტეტის საბჭოში სტუდენტთა თვითმმართველობის წარმომადგენელთა რაოდენობა უნდა იყოს საბჭოს სრული შემადგენლობის 1/3, დამრგვალება ხორციელდება სტუდენტთა სასარგებლოდ.
3. ფაკულტეტის საბჭო უფლებამოსილია, თუ მას ესწრება საბჭოს წევრთა სიითი შემადგენლობის ნახევარზე მეტი.
4. ფაკულტეტის საბჭოზე გადაწყვეტილება მიიღება დამსწრეთა ხმების უმრავლესობით, ხოლო „უმაღლესი განათლების შესახებ“ საქართველოს კანონით განსაზღვრულ შემთხვევებში, კი საბჭოს სიითი შემადგენლობის უმრავლესობით.
5. ფაკულტეტის საბჭო პირველი შეკრებისთანავე ცნობს თავისი წევრების უფლებამოსილებას.
6. ახლადარჩეული აკადემიური პერსონალისა და სტუდენტთა თვითმმართველობის მიერ ფაკულტეტის საბჭოში ახლადარჩეული წარმომადგენლების უფლებამოსილების ცნობა ხდება ფაკულტეტის საბჭოს უახლოეს სხდომაზე.
7. დეკანის არყოფნის შემთხვევაში ფაკულტეტის საბჭოს მოწვევის უფლება აქვს საბჭოს წევრების არანაკლებ 1/3-ს ან დეკანის მოადგილეს.

მუხლი 9. ფაკულტეტის საბჭოს უფლებამოსილება

ფაკულტეტის საბჭო:

- ა) შეიმუშავებს და ადმინისტრაციის ხელმძღვანელს წარუდგენს ფაკულტეტის ბიუჯეტის პროექტს;
- ბ) თავისუფალი და თანასწორი არჩევნების საფუძველზე, ფარული კენჭისყრით, სიითი შემადგენლობის უმრავლესობით, ირჩევს ფაკულტეტის დეკანს;
- გ) დეკანის წარდგინებით შეიმუშავებს და უნივერსიტეტის აკადემიურ საბჭოს დასამტკიცებლად წარუდგენს ფაკულტეტის განვითარების სტრატეგიულ გეგმას, სასწავლო და სამეცნიერო-კვლევით პროგრამებს;
- დ) დეკანის წარდგინებით შეიმუშავებს ფაკულტეტის სტრუქტურას, დებულებას და დასამტკიცებლად წარუდგენს უნივერსიტეტის წარმომადგენლობით საბჭოს (სენატს);
- ე) შეიმუშავებს სადისერტაციო საბჭოს დებულებას და დასამტკიცებლად წარუდგენს უნივერსიტეტის აკადემიურ საბჭოს;
- ვ) ირჩევს ფაკულტეტის ხარისხის უზრუნველყოფის სამსახურის ხელმძღვანელს;

- ზ) ქმნის ფაკულტეტის ეთიკის მუდმივმოქმედ კომისიას და ამტკიცებს კომისიის მიერ მიღებულ გადაწყვეტილებებს;
- თ) ახორციელებს ფაკულტეტის სტუდენტის მიმართ დისციპლინურ საქმისწარმოებას;
- ი) ქმნის ფაკულტეტის მუდმივმოქმედ და დროებით კომისიებს, მათ შორის სწავლულ ექსპერტთა დარგობრივ კომისიებს;
- კ) უფლებამოსილია, დეკანის მიერ საქართველოს კანონმდებლობის დარღვევის, დეკანისათვის დაკისრებული მოვალეობების არასათანადოდ შესრულების ან/და დეკანისათვის შეუფერებელი საქმიანობის განხორციელების საფუძვლით, ფაკულტეტის საბჭოს წევრების არანაკლებ 1/3-ის მოთხოვნით განიხილოს დეკანის უფლებამოსილების ვადამდე შეწყვეტის საკითხი. გადაწყვეტილება დეკანის უფლებამოსილების ვადამდე შეწყვეტის თაობაზე მიიღება ფარული კენჭისყრით, სიითი შემადგენლობის უმრავლესობით. დეკანი ამ პუნქტით გათვალისწინებულ კენჭისყრებში არ მონაწილეობს, საბჭოს თავმჯდომარეობს საბჭოს დამსწრე უხუცესი წევრი.
- ღ) დეკანის უფლებამოსილების ვადამდე შეწყვეტის შემთხვევაში ღია კენჭისყრით, საბჭოს უხუცესი წევრის თავმჯდომარეობით, დამსწრეთა ხმების უმრავლესობით ნიშნავს დეკანის მოვალეობის შემსრულებელს;
- მ) აკადემიური პერსონალიდან ირჩევს უნივერსიტეტის აკადემიური საბჭოსა და წარმომადგენლობითი საბჭოს (სენატის) წევრებს ფაკულტეტისათვის განსაზღვრული კვოტის ფარგლებში. შესაბამისი არჩევნები ტარდება არჩევნების ჩატარების საუნივერსიტეტო დებულებით დადგენილი წესით;
- ნ) იღებს გადაწყვეტილებებს საკუთარი ფუნქციების ფაკულტეტის სათათბიროზე დელეგირების შესახებ, გარდა „უმაღლესი განათლების შესახებ“ საქართველოს კანონის 28-ე მუხლით პირდაპირ განსაზღვრული უფლებამოსილებებისა;
- ო) ახორციელებს საქართველოს კანონმდებლობით, უნივერსიტეტის წესდებით, ამ დებულებით, უნივერსიტეტის სამართლებრივი აქტებითა და ფაკულტეტის საბჭოს რეგლამენტით განსაზღვრულ სხვა უფლებამოსილებებს.

მუხლი 10. ფაკულტეტის დეკანი

1. ფაკულტეტის დეკანს თანამდებობაზე ირჩევს ფაკულტეტის საბჭო.
2. დეკანი აირჩევა ოთხი წლის ვადით. დეკანის თანამდებობაზე ერთი და იგივე პირი შეიძლება არჩეულ იქნეს ზედიზედ მხოლოდ ორჯერ.
3. ფაკულტეტის დეკანის თანამდებობაზე კანდიდატთა რეგისტრაციისა და არჩევნების ჩატარების წესი განისაზღვრება არჩევნების ჩატარების საუნივერსიტეტო დებულებით.

4. დეკანად შეიძლება აირჩეს უნივერსიტეტის ფაკულტეტის პროფესორი ან ასოცირებული პროფესორი.
5. ფაკულტეტის დეკანი:
 - ა) უზრუნველყოფს ფაკულტეტზე სასწავლო-სამეცნიერო საქმიანობის ეფექტურად მიმდინარეობას;
 - ბ) ფაკულტეტის საბჭოს განსახილველად წარუდგენს ფაკულტეტის განვითარების გეგმას, სასწავლო და სამეცნიერო-კვლევით პროგრამებს;
 - გ) შეიმუშავებს და ფაკულტეტის საბჭოს დასამტკიცებლად წარუდგენს ფაკულტეტის სტრუქტურასა და დებულებას;
 - დ) თავისი კომპეტენციის ფარგლებში პასუხისმგებელია აკადემიური საბჭოს, წარმომადგენლობითი საბჭოს (სენატის), ფაკულტეტის საბჭოს და სათათბიროს გადაწყვეტილებების შესრულებაზე;
 - ე) თავისი კომპეტენციის ფარგლებში გამოსცემს ინდივიდუალურ-სამართლებრივ აქტებს;
 - ვ) თავმჯდომარეობს ფაკულტეტის საბჭოს სხდომებს;
 - ზ) „უმაღლესი განათლების შესახებ“ საქართველოს კანონისა და უნივერსიტეტის წესდების შესაბამისად, პასუხისმგებელია ფაკულტეტის ბიუჯეტის მიზნობრივ გამოყენებაზე;
 - თ) მისთვის მინიჭებული უფლებამოსილების ფარგლებში წარმოადგენს ფაკულტეტს მესამე პირებთან ურთიერთობაში;
 - ი) მისთვის მინიჭებული უფლებამოსილების ფარგლებში დებს ხელშეკრულებებს და მემორანულებს ფაკულტეტის სახელით;
 - კ) ახორციელებს „უმაღლესი განათლების შესახებ“ საქართველოს კანონით, უნივერსიტეტის წესდებითა და უნივერსიტეტის სამართლებრივი აქტებით მინიჭებულ სხვა უფლებამოსილებას.
6. ფაკულტეტის დეკანს ჰყავს მოადგილე, რომელსაც თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი, დეკანის წარდგინების საფუძველზე, დეკანის უფლებამოსილების ვადით. დეკანის მოადგილეთა რაოდენობა განისაზღვრება უნივერსიტეტის საშტატო ნუსხის შესაბამისად.
7. დეკანის მოადგილის უფლებები და მოვალეობები განისაზღვრება დეკანის ბრძანებით, თუ მოქმედი კანონმდებლობით ან უნივერსიტეტის წესდებით სხვა რამ არ არის დადგენილი.
8. დეკანის არყოფნის შემთხვევაში დეკანის მოვალეობას ასრულებს დეკანის მოადგილე.

მუხლი 11. ფაკულტეტის ხარისხის უზრუნველყოფის სამსახური

1. ფაკულტეტზე სასწავლო და სამეცნიერო-კვლევითი მუშაობის, აგრეთვე აკადემიური პერსონალის კვალიფიკაციის ამაღლების ხარისხის სისტემატური შეფასების მიზნით, იქმნება ხარისხის უზრუნველყოფის სამსახური, რომელიც მოქმედებს „უმაღლესი განათლების შესახებ“ საქართველოს კანონის, საქართველოს კანონმდებლობის, უნივერსიტეტის წესდებისა და ამ დებულების შესაბამისად.
2. ფაკულტეტის ხარისხის უზრუნველყოფის სამსახურის ხელმძღვანელს ირჩევს ფაკულტეტის საბჭო 4 წლის ვადით. ერთი და იგივე პირი ხარისხის უზრუნველყოფის სამსახურის უფროსად შეიძლება აირჩეს ზედიზედ მხოლოდ ორჯერ.
3. ფაკულტეტის ხარისხის უზრუნველყოფის სამსახურის წევრი შეიძლება იყოს ფაკულტეტის საბჭოს წევრი პროფესორი ან ასოცირებული პროფესორი.
4. ფაკულტეტის ხარისხის უზრუნველყოფის სამსახური:
 - ა) სისტემატურად აფასებს ფაკულტეტზე სასწავლო და სამეცნიერო-კვლევითი პროცესის მიმდინარეობას, აკადემიური პერსონალისა და მასწავლებელთა კვალიფიკაციის ამაღლების ხარისხს.
 - ბ) ამყარებს მჭიდრო კავშირს და თანამშრომლობს საზღვარგარეთის ქვეყნების უმაღლესი სასწავლებლების შესაბამის სამსახურებთან, ხარისხის კონტროლის გამჭვირვალე კრიტერიუმებისა და მათი რეალიზების მეთოდოლოგიის სრულყოფის მიზნით.
 - გ) უნივერსიტეტის შესაბამის სამსახურთან თანამშრომლობით, ადგენს ფაკულტეტზე სასწავლო და სამეცნიერო მუშაობის შეფასების გამჭვირვალე კრიტერიუმებს;
 - დ) აღნიშნული კრიტერიუმების საფუძველზე ახდენს სასწავლო და სამეცნიერო პროცესების მონიტორინგს და შეფასებას;
 - ე) უზრუნველყოფს ფაკულტეტის თვითშეფასებას, ავტორიზაციისა და აკრედიტაციის პროცესისათვის;
 - ვ) რეგულარულად (სემესტრში ერთხელ) აცნობს თავისი მუშაობის შედეგებს ფაკულტეტის სათათბიროს და საბჭოს;
 - ზ) განიხილავს სასწავლო პროგრამების კურიკულუმებს, მოდულებისა და სასწავლო კურსების სილაბუსებს და იძლევა რეკომენდაციებს მათი სრულყოფისათვის;
 - თ) ახორციელებს უნივერსიტეტის წესდებითა და უნივერსიტეტის სამართლებრივი აქტებით მინიჭებულ სხვა უფლებამოსილებებს.
5. ხარისხის უზრუნველყოფის სამსახურის ხელმძღვანელის უფლებამოსილების ვადამდე შეწყვეტის შემთხვევაში, ფაკულტეტის საბჭო ნიშნავს მოვალეობის შემსრულებელს და უფლებამოსილების შეწყვეტიდან 10 დღის ვადაში ნიშნავს არჩევნებს.

6. კარიერული და პროფესიული განვითარების ჯგუფი

–კარიერული და პროფესიული განვითარების ჯგუფს ჰყავს ჯგუფის უფროსი, რომელსაც თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი, დეკანის წარდგინების საფუძველზე.

ჯგუფის უფროსი:

- კოორდინაციას უწევს და პასუხისმგებელია სპეციალისტების საქმიანობაზე;
- ახდენს სასწავლო პროცესის სისტემატიურ მონიტორინგს;
- ამოწმებს სტუდენტთა სწავლების ორგანიზაციას და ხარისხს;
- ხარისხის სამსახურის უფროსთან ერთად უზრუნველყოფს შეფასების თანამედროვე მეთოდებისა და ბოლონიის პროცესის ფარგლებში შემუშავებული რეკომენდაციების ფაკულტეტზე დანერგვას;
- ადგენს ფაკულტეტის საინფორმაციო რესურსების, მატერიალურ-ტექნიკური ბაზისა და დამხმარე რესურსების შესაბამისობას ავტორიზაციისა და აკრედიტაციის სტანდარტებთან და სასწავლო კურსების მოთხოვნებთან;
- ამზადებს და აანალიზებს დადგენილი წესის შესაბამისად, ფაკულტეტის საგანმანათლებლო პროგრამების, პერსონალისა და სტუდენტთა შესახებ სხვადასხვა სახის სტატისტიკურ ინფორმაციას;
- შეიმუშავებს უნივერსიტეტის შესაბამის სამსახურთან თანამშრომლობით, სწავლებისა და სამეცნიერო-კვლევითი საქმიანობის შეფასების წესებს, მეთოდიკას და გამჭვირვალე კრიტერიუმებს;
- მონაწილეობს საგანმანათლებლო პროგრამების ტექნიკური მონიტორინგისა და აკადემიური ექსპერტიზის კრიტერიუმებისა და ინდიკატორების შემუშავებაში;
- უნივერსიტეტის მონიტორინგის სამსახურთან ერთად უწევს მონიტორინგს ფაკულტეტის სასწავლო პროცესს.
- აანალიზებს ფაკულტეტის სტუდენტთა გამოკითხვის შედეგებს და ამუშავებს შესაბამის წინადადებებს;

მუხლი 12. ფაკულტეტის სათათბირო

1. ფაკულტეტის სათათბიროში შედის: დეკანი (თავმჯდომარე), დეკანის მოადგილე, მენეჯერი, ფაკულტეტის ხარისხის უზრუნველყოფის სამსახურის უფროსი, აკადემიური დეპარტამენტების ხელმძღვანელები, ფაკულტეტის დამხმარე სტრუქტურული ერთეულების ხელმძღვანელები, ფაკულტეტის კომისიებიდან წარმომადგენლები, უნივერსიტეტის მართვის ორგანოებში ფაკულტეტის კვოტით არჩეული წარმომადგენლები.

2. ფაკულტეტის სათათბირო:

- ა) დებულების მე-9 მუხლის „ნ“ ქვეპუნქტის შესაბამისად, ასრულებს ფაკულტეტის საბჭოს მიერ დელეგირებულ სხვა ნებისმიერ ფუნქციას (კერძოდ: ფინანსური

დახმარების, პრემიების განაწილების, სახელმძღვანელოების გამოცემის დაფინანსების, ინდივიდუალურ საგანმანათლებლო პროგრამაზე ფაკულტეტის სტუდენტების გადაყვანის საკითხებს. იხილავს მონიტორინგის დეპარტამენტის მონაცემებს და სასწავლო პროცესისი მიმდინარეობას. აკონტროლებს ბიუჯეტის შესრულების მიმდინარეობას)

ბ) იღებს გადაწყვეტილებებს საკუთარი უფლებამოსილების ფარგლებში, ასევე ამზადებს საკითხებს და შეიმუშავებს შესაბამის რეკომენდაციებს ფაკულტეტის საბჭოზე წარსადგენად (განსახილველად);

მუხლი 13. ფაკულტეტის მენეჯერი

1. მენეჯერი განეკუთვნება დამხმარე თანამდებობას, რომლის უფლებამოსილებებიც განისაზღვრება რექტორის ინდივიდუალური ადმინისტრაციულ-სამართლებრივი აქტითა და დებულებით;
2. ფაკულტეტის მენეჯერს ნიშნავს და ათავისუფლებს რექტორი;
3. მენეჯერი:
 - ა) ახდენს შრომის ბაზრის მარკეტინგულ და პროგნოზულ-ანალიტიკურ კვლევას, რის საფუძველზეც ადგენს საგანმანათლებლო პროგრამებისადმი წარდგენილ მოთხოვნათა ნუსხას საზოგადოების თანამედროვე მოთხოვნათა გათვალისწინებით;
 - ბ) ახორციელებს ფაკულტეტის სასწავლო-სამეცნიერო საქმიანობის ფინანსურ და მატერიალურ ტექნიკური უზრუნველყოფის ზედამხედველობას;
 - გ) ფაკულტეტის განვითარების სტრატეგიული გეგმის შესრულების მიზნით, ადგენს ფინანსური და მატერიალური რესურსების მოზიდვის ყოველწლიურ გეგმას და პასუხისმგებელია მისი შესრულების მიზნობრიობასა და ეფექტურობაზე;
 - დ) დეკანთან და სათათბიროსთან ერთად ადგენს ფაკულტეტის ბიუჯეტის პროექტს და განსაზღვრისათვის წარუდგენს ფაკულტეტის საბჭოს;
 - ე) პასუხისმგებელია ფაკულტეტის ბიუჯეტის შესრულებაზე;
 - ვ) კოორდინაციას უწევს სტუდენტთა საწარმოო პრაქტიკის, სტაჟირებისა და მათი შემდგომი დასაქმების პროცესს;

ზ) ახორციელებს დებულებით და უნივერსიტეტის სამართლებრივი აქტებით განსაზღვრულ სხვა უფლებამოსილებებს.

4. მენეჯერი ანგარიშვალდებულია რექტორისა და ფაკულტეტის საბჭოს წინაშე.

5. ინფრასტრუქტურის განვითარების და ტექნიკური უზრუნველყოფის ჯგუფი –ინფრასტრუქტურის განვითარების და ტექნიკური უზრუნველყოფის ჯგუფს ჰყავს ჯგუფის უფროსი, რომელსაც თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი, დეკანის წარდგინების საფუძველზე. ჯგუფის უფროსი:

- კოორდინაციას უწევს და პასუხისმგებელია სპეციალისტების საქმიანობაზე;
- დეკანთან და მენეჯერთან შეთანხმებით ადგენს სარემონტო სამუშაოების (ოთახები, აუდიორიები) გეგმას, უზრუნველყოფს უნივერსიტეტის სამეურნეო უზრუნველყოფის თანამშრომლებთან ერთად დეფექტური აქტების შედგენას და შემდგომში კოორდინაციას;
- კონტროლს უწევს სამშენებლო სარემონტო სამუშაოების მსვლელობას.
- უზრუნველყოფს სამეურნეო საქონლის (ელექტროობა, სანტექნიკა, საკანცელარიო, დამლაგებლებისათვის საჭირო საქონელი და ინვენტარი) საწყობიდან გამოწერას, ტრანსპორტირებას, დასაწყობებას, შემდგომში მის მიწოდებას თანამშრომლებისათვის და კონტროლს უწევს მათ მონტაჟს, ექსპლოატაციას.
- უზრუნველყოფს სამეურნეო საქონლის, ელექტროსაქონლის, სანტექნიკის საქონლის წლის მარაგის ნუსხის, მოთხოვნის შედგენას და წარუდგენს მენეჯერს;
- უზრუნველყოფს ფაკულტეტზე შესაძენი და შესარემონტებელი ავეჯის ნუსხის შედგენას და წარუდგენს მენეჯერს.
- უზრუნველყოფს მენეჯერის სამსახურის საქმიანი ქაღალდების, მოხსენებითი ბარათების, განცხადებების მიწოდებას ადმინისტრაციისათვის.
- უზრუნველყოფს ფაკულტეტის ინვენტარიზაციას.
- უზრუნველყოფს და მონიტორინგს უწევს ფაკულტეტზე IT ქსელების მონტაჟს.
- მატერიალური პასუხისმგებელია ფაკულტეტზე არსებულ ქონებაზე;

მუხლი 14. მზრუნველთა საბჭო

1. ფაკულტეტის საბჭოს წევრთა ხმათა უბრალო უმრავლესობით მიღებული გადაწყვეტილებით, ფაკულტეტზე შეიძლება შეიქმნას მზრუნველთა საბჭო.
2. მზრუნველთა საბჭოს შემადგენლობას ფაკულტეტის საბჭოს წარდგინებით ამტკიცებს უნივერსიტეტის აკადემიური საბჭო.

3. მზრუნველთა საბჭოს მისიაა:

- ა) სასწავლო-საგანმანათლებლო და სამეცნიერო მიმართულებათა ცოდნის, აკადემიური და ინტელექტური პროცესების არსისა და პრობლემური სიტუაციების სპეციფიკის გაცნობიერების, გადაწყვეტილებების უახლესი ინფორმაციის გათვალისწინებით მიღების საფუძველზე ფაკულტეტის განვითარებაში წვლილის შეტანა, თანამშრომლობა, საქველმოქმედო შენატანების მოზიდვა, მეცნიერებისა და ტექნიკის უახლესი მიღწევებით მისი გაძლიერებისათვის ხელშეწყობა;
- ბ) თანამშრომლობა ფაკულტეტის სასწავლო-საგანმანათლებლო და სამეცნიერო პროგრამების აკადემიური ხარისხის ამაღლებისა და ფუნქციონირების აქტუალიზებაში;

თავი IV.

ფაკულტეტის სადისერტაციო საბჭო

მუხლი 15. ფაკულტეტის სადისერტაციო საბჭოს მიზანი

სადისერტაციო საბჭო არის დოქტორის აკადემიური ხარისხის მიმნიჭებელი ორგანო, რომელიც ფაკულტეტზე შეიძლება შეიქმნას აკადემიური საბჭოს გადაწყვეტილებით.

მუხლი 16. სადისერტაციო საბჭოს სტრუქტურა და შემადგენლობა

1. სადისერტაციო საბჭო შედგება დოქტორის აკადემიური ხარისხის მქონე ფაკულტეტის ყველა პროფესორისა და ასოცირებული პროფესორისაგან.
2. სადისერტაციო საბჭოს თავმჯდომარის არჩევისა და სადისერტაციო საბჭოს საქმიანობის წესი განისაზღვრება სადისერტაციო საბჭოს დებულებით, რომელსაც ფაკულტეტის საბჭოს წარდგინებით ამტკიცებს აკადემიური საბჭო.
3. სადისერტაციო საბჭოს თავმჯდომარის შუამდგომლობით, შესაძლებელია სადისერტაციო საბჭოში მოწვეული იქნეს დოქტორის აკადემიური ხარისხის მქონე პირი, რომელიც არ არის უნივერსიტეტის თანამშრომელი და ფაკულტეტის რომელიმე სადოქტორო პროგრამის შესაბამისი მეცნიერების დარგში უკანასკნელ 5 წელიწადში გამოქვეყნებული აქვს არანაკლებ 3 შრომისა.
4. ფაკულტეტზე, დოქტორის აკადემიური ხარისხის მინიჭებას ახორციელებს საუნივერსიტეტო სადისერტაციო საბჭო, რომელიც შექმნილია და რომლის დებულებაც დამტკიცებულია აკადემიური საბჭოს მიერ.

თავი V.

ფაკულტეტის სასწავლო და სამეცნიერო-კვლევითი ერთეულები

მუხლი 17. ფაკულტეტის სასწავლო და სამეცნიერო-კვლევითი ერთეულები

1. სასწავლო პროცესისა და სამეცნიერო კვლევების კოორდინირებულად წარმართვის მიზნით, ფაკულტეტზე იქმნება სასწავლო და სამეცნიერო-კვლევითი ერთეულები.

2. ფაკულტეტის სასწავლო ერთეულია:

1. საინჟინრო მექანიკისა და მშენებლობის ტექნიკური ექსპერტიზის დეპარტამენტი №101;
2. აგული სოხაძის სახელობის სამოქალაქო და სამრეწველო მშენებლობის დეპარტამენტი №102;
3. სამოქალაქო და სამრეწველო მშენებლობის ტექნოლოგიების და საშენი მასალების დეპარტამენტი №103;
4. პიდროინჟინერიის დეპარტამენტი №104;
5. წყალმომარაგების, წყალარინების, თბოაირმომარაგებისა და შენობათა საინჟინრო აღჭურვის დეპარტამენტი №105;
6. მშენებლობის კომპიუტერული დაპროექტების დეპარტამენტი №106;
7. მშენებლობის ეკონომიკისა და მენეჯმენტის დეპარტამენტი №107 ;
8. სამშენებლო მანქანებისა და მექანიკური მოწყობილობების დეპარტამენტი №108;
9. ფაკულტატშორისი დეპარტამენტი (რკინიგზის მშენებლობა, საავტომობილო გზები, ხიდები და გვირაბები);

ფაკულტეტის სამეცნიერო-კვლევითი ერთეულებია:

- ა) მშენებლობის სასწავლო- სამეცნიერო საექსპერტო ლაბორატორია;
- ბ) პოდროინჟინერიის სასწავლო-სამეცნიერო და საექსპერტო ლაბორატორია;
- გ) ა. გორგიძის სახელობის მექანიკის სასწავლო-სამეცნიერო ლაბორატორია;

მუხლი 18. აკადემიური დეპარტამენტი და მისი სტატუსი

1. აკადემიური დეპარტამენტი (შემდგომში დეპარტამენტი) წარმოადგენს ფაკულტეტის სასწავლო-სამეცნიერო ორგანიზაციულ ერთეულს, რომელიც საგანმანათლებლო პროგრამის/პროგრამების ფარგლებში უზრუნველყოფს სასწავლო-მეთოდურ და სამეცნიერო-კვლევით საქმიანობას.
2. დეპარტამენტი თავის საქმიანობაში ხელმძღვანელობს უნივერსიტეტის წესდებით, ფაკულტეტის დებულებითა და უნივერსიტეტისა და ფაკულტეტის მართვის ორგანოების (მმართველი სუბიექტების) შესაბამისი სამართლებრივი აქტებით.

მუხლი 19. დეპარტამენტის საქმიანობის სფერო, ძირითადი ამოცანები და ფუნქციები:

1. დეპარტამენტი:

- ა) უზრუნველყოფს საგანმანათლებლო პროგრამებით დეპარტამენტისათვის განსაზღვრულ საგნებში სილაბუსისა და განრიგის შესაბამისად მეცადინეობების ჩატარებას;
- ბ) ქმნის ან/და მონაწილეობს ახალი საგანმანათლებლო პროგრამების შექმნაში და არსებული პროგრამების მოდიფიცირებაში;
- გ) ახორციელებს სასწავლო პროცესის მეთოდურ უზრუნველყოფას (სახელმძღვანელოების და სხვა სასწავლო-მეთოდური მასალის მომზადება), ახალი საგანმანათლებლო პროგრამების დანერგვას;
- დ) ახდენს დეპარტამენტის აკადემიური დატვირთვის ფორმირებას და ადმინისტრირებას;
- ე) დეკანის წინაშე ინიცირებას უკეთებს შესაბამისი კვალიფიკაციის მქონე სპეციალისტების (მოწვეული პროფესორი ან/და მოწვეული მასწავლებელი) მოწვევას სასწავლო პროცესში ჩართვის მიზნით, ვაკანტური აკადემიური დატვირთვის არსებობის შემთხვევაში;
- ვ) უზრუნველყოფს სწავლების არსებული მეთოდების ეფექტურად გამოყენების გზით სწავლის ხარისხის ამაღლებას, სწავლების ახალი მეთოდებისა და ტექნოლოგიების დანერგვას, სასწავლო პროცესის სრულყოფას;
- ზ) ორგანიზაციას უწევს სტუდენტთა სამეცნიერო-კვლევით მუშაობას;
- თ) ახორციელებს მაგისტრანტების და დოქტორანტების თემებით და ხელმძღვანელებით უზრუნველყოფას;
- ი) ხელს უწყობს სასწავლო-პედაგოგიური კადრების მომზადებასა და მათი კვალიფიკაციის ამაღლებას;
- კ) დეპარტამენტის პროფილის შესაბამისად ამყარებს შემოქმედებით კავშირებს და თანამშრომლობს სხვა უმაღლესი სასწავლებლების სასწავლო-სამეცნიერო სტრუქტურულ ერთეულებთან და სამეცნიერო-კვლევით ორგანიზაციებთან;
- ლ) ფაკულტეტის შესაბამისი დამხმარე სასწავლო-სამეცნიერო ერთეულის - ლაბორატორიის ბაზაზე ახორციელებს და კოორდინაციას უწევს სამეცნიერო კვლევებს, ატარებს სამეცნიერო-მეთოდურ სემინარებს, იძლევა ექსპერტულ დასკვნებს სამეცნიერო-კვლევით სამუშაოებზე და პროექტებზე;
- მ) ახორციელებს სამაგისტრო საკუთრივი კვალიფიკაციონ და სადოკტორო სადისერტაციო ნაშრომების რეცენზირებას;
- ნ) საკუთარი პროფილის შესაბამისად თანამშრომლობს საწარმოებთან და ორგანიზაციებთან და ხელს უწყობს კურსდამთავრებულთა შრომით დასაქმებას;

- ო) კოორდინაციას უწევს ფაკულტეტზე არსებული თვითდაფინანსებაზე მყოფი შესაბამისი პროფილის სამეცნიერო ცენტრების საქმიანობას;
- პ) ახორციელებს სტუდენტთა შეფასების უწყისების რეგისტრაციას და დეკანატში გადაცემას.
2. დეპარტამენტს ხელმძღვანელობს უფროსი, რომლის თანამდებობაზე დანიშვნა ხორციელდება აკადემიური დეპარტამენტის დებულებით გათვალისწინებული წესის შესაბამისად;
3. სასწავლო ერთეულის უფროსი ანგარიშვალდებულია რექტორის, ფაკულტეტის საბჭოს/სათათბიროს და დეკანის წინაშე.
- მუხლი 20. სამეცნიერო-კვლევითი ერთეული (სამეცნიერო-კვლევითი ინსტიტუტი, ლაბორატორია, პროგრამული მიმართულება, ცენტრი და სხვა)**
1. სამეცნიერო-კვლევითი ერთეული (სამეცნიერო-კვლევითი ინსტიტუტი, ლაბორატორია, პროგრამული მიმართულება, ცენტრი და სხვა) ფაკულტეტში შემავალი ორგანიზაციული ერთეულია;
 2. სამეცნიერო-კვლევითი ერთეული საქმიანობას წარმართავს შესაბამისი დებულებით;
 3. სამეცნიერო-კვლევითი ერთეულის ხელმძღვანელს თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი, ფაკულტეტის დეკანის წარდგინებით.

თავი VI

ფაკულტეტის დამხმარე სტრუქტურული ერთეულები

მუხლი 21. ფაკულტეტის დამხმარე სტრუქტურული ერთეულები

1. ფაკულტეტის დამხმარე სტრუქტურული ერთეულები თავიანთი კომპეტენციის ფარგლებში ახორციელებენ უნივერსიტეტის ადმინისტრაციისა და მმართველი ორგანოების, ფაკულტეტის საბჭოს, სათათბიროსა და დეკანის მიერ მიღებულ გადაწყვეტილებებს, შეიმუშავებენ შესაბამისი სფეროს განვითარების წინადადებებს და განსახილველად წარუდგენენ ფაკულტეტის დეკანს.
2. ფაკულტეტის დამხმარე სტრუქტურული ერთეულებია:
 - ა) დეკანატი;
 - ბ) სასწავლო-სამეცნიერო ლაბორატორია;
 - გ) კომპიუტერული ცენტრი.
3. დეკანატი უზრუნველყოფს ფაკულტეტზე მიმდინარე სასწავლო პროცესის სრულყოფილ და ოპერატიულად წარმართვას. იგი შედგება შემდეგი დამხმარე

პერსონალისაგან: საგანმანათლებლო პროგრამების კურატორი, სამაგისტრო და სადოქტორო პროგრამების განვითარების ჯგუფის უფროსი, საბაკალავრო პროგრამების განვითარების ჯგუფის უფროსი, სამეცნიერო-კვლევითი საქმიანობის განვითარების ჯგუფის უფროსი, მთავარი სპეციალისტი, უფროსი სპეციალისტი, სპეციალისტი და არქივარიუსი, რომელთა ფუნქციებია:

- ა) საგანმანათლებლო პროგრამების კურატორი უზრუნველყოფს:
 - ა.ა) მაგისტრატურის, დოქტორანტურისა და პროფესიული საგანმანათლებლო პროგრამების კოორდინაციას, მათ შედარებასა და ურთიერთგადაფარვის გამორიცხვას;
 - ა.ბ) სტუდენტთა ჩართვას სამეცნიერო-კვლევით სამუშაოებში;
 - ა.გ) სტუდენტური სამეცნიერო კონფერენციების მომზადებას თავისი კომპეტენციის ფარგლებში;
 - ა.დ) აკადემიური დეპარტამენტის აკადემიური დატვირთვის გაანგარიშებას და აკადემიური დატვირთვის განაწილების კოორდინაციას.
- ბ) სამაგისტრო და სადოქტორო პროგრამების განვითარების ჯგუფი:
- სამაგისტრო და სადოქტორო პროგრამების განვითარების განვითარების ჯგუფს ჰყავს ჯგუფის უფროსი, რომელსაც თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი, დეკანის წარდგინების საფუძველზე. ჯგუფის უფროსი:
 - კოორდინაციას უწევს და პასუხისმგებელია სპეციალისტების საქმიანობაზე;
 - დეკანთან და საგანმანათლებლო პროგრამების კურატორთან ერთად ახორციელებს ფაკულტეტზე, სამაგისტრო, სადოქტორო და პროფესიული საგანმანათლებლო პროგრამების საფეხურებზე სასწავლო, მეთოდური, სამეცნიერო-მეთოდური და აღმზრდელობითი საქმიანობის ხელმძღვანელობას;
 - შესაბამისი სასწავლო და სასწავლო-მეთოდური ლიტერატურით სასწავლო პროცესის უზრუნველყოფის მიზნით, ახორციელებს მუდმივ კავშირს უნივერსიტეტის სამეცნიერო ბიბლიოთეკასთან;
 - ამოწმებს ინდივიდუალური გრაფიკის მქონე სტუდენტთა სწავლების ორგანიზაციას;
 - სტუ-ს შესაბამის სამსახურთან ერთად მონაწილეობს სასწავლო მეცადინეობების ცხრილების შემუშავებაში;
 - უზრუნველყოფს ფაკულტეტზე სასწავლო-სამეცნიერო საქმიანობის ეფექტურად მიმდინარეობას;
 - უზრუნველყოფს სასწავლო პროცესის ორგანიზაციისთვის საჭირო დოკუმენტაციის მომზადებას;

–უზრუნველყოფს სტუდენტთა მობილობის ხელშეწყობას;

გ. სამეცნიერო კვლევითი საქმიანობის განვითარების ჯგუფი:

–სამეცნიერო კვლევითი საქმიანობის განვითარების ჯგუფს ჰყავს ჯგუფის უფროსი, რომელსაც თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი, დეკანის წარდგინების საფუძველზე.

ჯგუფის უფროსი:

–კოორდინაციას უწევს და პასუხისმგებელია სპეციალისტების საქმიანობაზე;

–დეკანთან, დეკანის მოადგილებთან და სამეცნიერო ცენტრების ხელმძღვანელებთან ერთად უზრუნველყოფს ფაკულტეტზე სასწავლო-სამეცნიერო საქმიანობის ეფექტურად მიმდინარეობას;

– უზრუნველყოფს სტუდენტთა სამეცნიერო-კვლევით სამუშაოებში ჩართვას;

–უზრუნველყოფს სტუ-ს სამშენებლო ფაკულტეტის თანამშრომელთა სამეცნიერო მიღწევების ყოველწლიური ანგარიშის მომზადებას, საუნივერსიტეტო ელექტრონულ ბაზაში წარსადგენად;

–ორგანიზაციას უწევს სამშენებლო ფაკულტეტზე ყოველწლიურ სამეცნიერო კონფერენციის ჩატარებას და ამის საფუძველზე რეგიონალურ და საერთაშორისო-სამეცნიერო ჟურნალებში მათ გამოქვეყნებას;

–ახორციელებს ფაკულტეტზე არსებულ სამეცნიერო-კვლევით ცენტრებში გაერთიანებული სპეციალისტების საქმიანობის კოორდინაციას;

დ) საბაკალავრო პროგრამების განვითარების ჯგუფი:

–საბაკალავრო პროგრამების განვითარების ჯგუფს ჰყავს ჯგუფის უფროსი, რომელსაც თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი, დეკანის წარდგინების საფუძველზე.

ჯგუფის უფროსი:

– კოორდინაციას უწევს და პასუხისმგებელია სპეციალისტების საქმიანობაზე;

– დეკანთან და დეკანის მოადგილესთან ერთად ახორციელებს ფაკულტეტზე, საბაკალავრო საფეხურზე სასწავლო, მეთოდური, სამეცნიერო-მეთოდური და აღმზრდელობითი საქმიანობის ხელმძღვანელობას;

–შესაბამისი სასწავლო და სასწავლო-მეთოდური ლიტერატურით სასწავლო პროცესის უზრუნველყოფის მიზნით, ახორციელებს მუდმივ კავშირს უნივერსიტეტის სამეცნიერო ბიბლიოთეკასთან;

–ამოწმებს ინდივიდუალური გრაფიკის მქონე სტუდენტთა სწავლების ორგანიზაციას;

–სტუ-ს შესაბამის სამსახურთან ერთად მონაწილეობს სასწავლო მეცადინეობების ცხრილების შემუშავებაში;

- უზრუნველყოფს ფაკულტეტზე სასწავლო-სამეცნიერო საქმიანობის ეფექტურად მიმდინარეობას;
 - უზრუნველყოფს სასწავლო პროცესის ორგანიზაციისთვის საჭირო დოკუმენტაციის მომზადებას;
 - უზრუნველყოფს სტუდენტთა მობილობის ხელშეწყობას;
- ე) მთავარი სპეციალისტის ფუნქციებია:
- ე.ა) სათანადო შინაარსის ბრძანებების პროექტების მომზადება;
 - ე.ბ) სათანადო სტატისტიკური მონაცემების შედგენა;
 - ე.გ) კურსდამთავრებულებისათვის დამთავრების შესახებ ბრძანების პროექტისა და დიპლომის ასლის მომზადება;
 - ბ.დ) თეორიული კურსის დასრულების შემდეგ ჯგუფების მიხედვით შემაჯამებელი დოკუმენტების შედგენა;
 - ბ.ე) საკვალიფიკაციო კომისიის ოქმების წარმოება.
- ვ) უფროსი სპეციალისტის ფუნქციებია:
- ვ.ა) დიპლომის დანართის მომზადება;
 - ვ.ბ) სასწავლო წლისთვის პროგრამებისა და კურსების მიხედვით სასწავლო გეგმის შედგენა;
 - ვ.გ) სტუდენტთა რეგისტრაცია, ხელშეკრულებების გაფორმება და აკადემიური ჯგუფების ფორმირება;
 - ვ.დ) სასწავლო პასპორტის შედგენა;
 - ვ.ე) სტუდენტის სასწავლო ბარათის შედგენა;
 - ვ.ვ) სტუდენტის პირადი საქმის წარმოება;
 - ვ.ზ) სტუდენტთა შემადგენლობის შესახებ შემოსული ბრძანების ასახვა კომპიუტერული უზრუნველყოფის ბაზაში და სასწავლო პასპორტში;
 - ვ.თ) შესაბამისი ბრძანების ამონაწერის შეტანა პირად საქმეში, ჯგუფის შეცვლის შემთხვევაში პირადი საქმის გადატანა ბრძანებაში მითითებულ ჯგუფში;
- ზ) სპეციალისტის ფუნქციებია:
- ზ.ა) სტუდენტთა პირადი საქმიდან სრული მონაცემების ამოკრეფა, მომზადება და ელექტრონულ ბაზებში შეტანა;
 - ზ.ბ) ცნობების პროექტის მომზადება; რეგისტრაცია და გაცემა (ფორმა 26, T-2 და სხვ.; მათი რეგისტრაცია);
 - ზ.გ) ელექტრონული უწყისების ფორმირება;
- თ) არქივარიუსის ფუნქციებია:
- თ.ა) არქივის დოკუმენტების წარმოება;
 - თ.ბ) არქივთან დაკავშირებული ყველა დოკუმენტის გაცემა;
 - თ.გ) პირადი საქმეების აკინძვა და ჩაბარება ცენტრალურ არქივში;

თ.დ) მოთხოვნილების მიხედვით არქივში არსებული კურსდამთავრებულთა დოკუმენტაციის საფუძველზე დიპლომის დანართის მომზადება.

4. ფაკულტეტის სამეცნიერო-კვლევითი ლაბორატორია (შემდგომში ლაბორატორია) მოიცავს ფაკულტეტზე არსებულ მატერიალურ და ტექნიკურ ბაზებს, სადაც ერთი ან რამოდენიმე მომიჯნავე სამეცნიერო მიმართულებით ხორციელდება: სასწავლო ლაბორატორიული, სამეცნიერო, საინოვაციო, საპროექტო, საცდელ-საკონსტრუქტორო, საექსპერტო, დიაგნოსტიკური და საკონსულტაციო საქმიანობა.

5. ლაბორატორია ხელს უწყობს სამეცნიერო და კვლევით საქმიანობაში ჩართულ, ფაკულტეტის კუთვნილი მატერიალურ-ტექნიკური ბაზის განვითარებას, მის ეფექტურ გამოყენებას, პერსონალის პროფესიული დონის ამაღლებას, სტუდენტების ჩართვას სამეცნიერო-კვლევით საქმიანობაში, ტექნოპარკების ფუნქციონირებას, ასევე სამეცნიერო ცენტრების საქმიანობას.

6. ლაბორატორიას ხელმძღვანელობს უფროსი, რომლის თანამდებობაზე დანიშვნა/არჩევა ხორციელდება უნივერსიტეტის სამართლებრივი აქტებით დადგენილი წესით.

7. ლაბორატორიის უფროსი ანგარიშვალდებულია რექტორისა და ფაკულტეტის საბჭოს წინაშე.

8. ლაბორატორიის ხელმძღვანელის ფუნქციებია:

ა) ხელი შეუწყოს ფაკულტეტზე არსებულ, უნივერსიტეტის სასწავლო და სამეცნიერო-კვლევით საქმიანობისათვის განკუთვნილი მატერიალურ-ტექნიკური ბაზის (ხელსაწყო-დანადგარები და ა.შ.) მოვლა-პატრონობას, მუშა მდგომარეობაში შენარჩუნებასა და შემდგომ სრულყოფა-განახლებას;

ბ) შესაბამის აკადემიურ დეპარტამენტთან ერთად კოორდინაცია გაუწიოს და ხელი შეუწყოს სტუდენტებისა და პერსონალის სამეცნიერო-კვლევითი საქმიანობის შეუფერხებელ განხორციელებას ფაკულტეტის მატერიალურ-ტექნიკურ ბაზებზე;

გ) კოორდინაცია გაუწიოს უფროსი ლაბორანტებისა და ლაბორანტებისადმი გათვალისწინებულ ფუნქცია-მოვალეობების შესრულებას და მისცეს მათ საქმიანობას კვალიფიციური შეფასება;

დ) უზრუნველყოს სასწავლო განრიგით გათვალისწინებული ლაბორატორიული სამუშაოების შესაბამის დონეზე ჩატარება;

ე) ხელი შეუწყოს უფროსი ლაბორანტებისა და ლაბორანტების პროფესიულ სრულყოფას.

9. ლაბორატორიულ პერსონალს მიეკუთვნება უფროსი ლაბორანტი და ლაბორანტი, რომლებიც ექვემდებარებიან ფაკულტეტის ლაბორატორიის უფროსს.

10. უფროსი ლაბორანტის ფუნქციებია:

- ა) საგნის წამყვან პროფესორებთან ერთად მონაწილეობა მიიღოს სასწავლო-მეთოდური სამუშაოების შესრულებაში;
- ბ) სისტემატიურად იმაღლებდეს კვალიფიკაციას და ხელს უწყობდეს ლაბორანტის პროფესიულ სრულყოფას;
- გ) უზრუნველყოს ლაბორანტის მიერ სასწავლო განრიგით გათვალისწინებული ლაბორატორიული სამუშაოების შესაბამის დონეზე ჩატარება;
- დ) დოკუმენტით განვითოს განაცხადი ლაბორატორიის უფროსის წინაშე ლაბორატორიულ მოწყობილობათა შეკვეთების, აგრეთვე ახალი ხელსაწყოების, ქიმიური რეაქტივებისა და სხვა მასალების შეძენის თაობაზე.

11. ლაბორანტის ფუნქციებია:

- ა) სასწავლო განრიგით გათვალისწინებული ლაბორატორიული სამუშაოების ჩატარება;
- ბ) სისტემატიურად იზრუნოს კვალიფიკაციის ამაღლებაზე;
- გ) მოამზადოს და ორგანიზება გაუკეთოს სასწავლო ლაბორატორიებში სამუშაო ადგილების მზადყოფნას სასწავლო და სამეცნიერო პროცესის წარმართვისთვის;
- დ) იცავდეს საწარმოო სანიტარულ ნორმებს, უსაფრთხოების ტექნიკის წესებს, ხანძარსაწინააღმდეგო ღონისძიებებს და საჭიროების შემთხვევაში შეძლოს მათი პრაქტიკული გამოყენება;
- ე) ფლობდეს ლაბორატორიულ ტექნიკასთან მუშაობის უნარ-ჩვევებს.

12. ფაკულტეტის კომპიუტერული ცენტრი (შემდგომში ცენტრი):

- ა) აწარმოებს ფაკულტეტზე არსებული კომპიუტერული ტექნიკის აღრიცხვას და უზრუნველყოფს მათ გამართულობას;
- ბ) უზრუნველყოფს ფაკულტეტზე არსებული კომპიუტერების უნივერსიტეტის ინტერნეტის ქსელში ჩართვას;
- გ) მჭიდროდ თანამშრომლობს ფაკულტეტის სამეცნიერო-კვლევით ერთეულებთან და უზრუნველყოფს მათი თანამშრომლების კომპიუტერული ტექნიკითა და ინტერნეტით სარგებლობას;
- დ) კომპიუტერული პროგრამების ცოდნის დონის ამაღლების მიზნით, აწყობს კურსებს სტუდენტთათვის და ფაკულტეტის თანამშრომელთათვის.

13. ცენტრს გააჩნია კომპიუტერული აუდიტორია, სადაც შესაძლებელია სასწავლო პროცესში სიმულაციური პროგრამებით გათვალისწინებული ლაბორატორიული სამუშაოების წარმართვა.

14. ცენტრს მართავს ხელმძღვანელი, რომელიც პასუხისმგებელია ცენტრის გამართულ მუშაობაზე. ცენტრის ხელმძღვანელის თანამდებობაზე დანიშვნა/გათავისუფლება ხორციელდება უნივერსიტეტის სამართლებრივი აქტებით დადგენილი წესით.

მუხლი 22. ფაკულტეტის კომისიები და კოლეგიები

1. ფაკულტეტები უნივერსიტეტის სამართლებრივი აქტებით დადგენილი წესით იქმნება:
 - ა) ფაკულტეტის ეთიკის კომისია;
 - ბ) სარედაქციო-საგამომცემლო სწავლულ ექსპერტთა დარგობრივი კომისია;
 - გ) ბაკალავრიატის, დიპლომირებული სპეციალისტისა და პროფესიული საგანმანათლებლო პროგრამის კურსდამთავრებულთა კვალიფიკაციის მინიჭების (საკვალიფიკაციო) კომისია;
 - დ) მაგისტრატურის საგამოცდო კომისიები;
 - ე) დოქტორანტურის სადისერტაციო კოლეგიები;
 - ვ) ფაკულტეტის ისტორიის შემსწავლელი კომისია.
2. ფაკულტეტის ეთიკის კომისიის საქმიანობის წესი განისაზღვრება უნივერსიტეტის ეთიკის კოდექსითა და დისციპლინური პასუხისმგებლობის ნორმებით.
3. ფაკულტეტის სარედაქციო-საგამომცემლო სწავლულ ექსპერტთა დარგობრივი კომისიის საქმიანობის წესსა და კრიტერიუმებს განსაზღვრავს უნივერსიტეტის სასწავლო და სამეცნიერო ლიტერატურის სარედაქციო-საგამომცემლო საბჭოს დებულება.
4. ბაკალავრიატის, დიპლომირებული სპეციალისტისა და პროფესიული საგანმანათლებლო პროგრამის კურსდამთავრებულთა კვალიფიკაციის მინიჭების (საკვალიფიკაციო) კომისია იქმნება საფაკულტეტო ბრძანებით, მაგისტრატურის საგამოცდო კომისიები ფაკულტეტის დეკანის წარდგინებით - რექტორის ბრძანებით, ხოლო დოქტორანტურის სადისერტაციო კოლეგიები კი - სადისერტაციო საბჭოს გადაწყვეტილების საფუძველზე რექტორის ბრძანებით. მათი საქმიანობის წესი განისაზღვრება უნივერსიტეტის შესაბამისი სამართლებრივი აქტებით.
5. ფაკულტეტის ხარისხის კომისია

თავი VII.

ფაკულტეტის პერსონალი

მუხლი 23. პერსონალი

ფაკულტეტზე არსებობს აკადემიური, ადმინისტრაციული და დამხმარე თანამდებობები.

მუხლი 24. აკადემიური პერსონალი

1. ფაკულტეტის აკადემიური პერსონალი შედგება პროფესორებისა და ასისტენტებისაგან, რომლებიც თანამდებობაზე აირჩევიან კანონმდებლობით დადგენილი წესით.
2. პროფესორების შემადგენლობას მიეკუთვნება პროფესორი, ასოცირებული პროფესორი და ასისტენტ-პროფესორი, რომლებიც მონაწილეობენ ან/და წარმართავენ სასწავლო პროცესსა და მეცნიერულ კვლევებს.
3. ასისტენტი პროფესორის, ასოცირებული პროფესორის ან ასისტენტ-პროფესორის ხელმძღვანელობით ახორციელებს სასემინარო და კვლევით სამუშაოებს ფაკულტეტზე მიმდინარე სასწავლო პროცესის ფარგლებში.
4. აკადემიური პერსონალის უფლებები და ვალდებულებები დადგენილია საქართველოს კანონმდებლობითა და უნივერსიტეტის წესდებით.

მუხლი 25. აკადემიური თანამდებობის დაკავება

1. აკადემიური თანამდებობის დაკავება შეიძლება მხოლოდ ღია კონკურსის წესით, რომელიც უნდა შეესაბამებოდეს გამჭვირვალობის, თანასწორობისა და სამართლიანი კონკურენციის პრინციპებს.
2. აკადემიურ თანამდებობაზე არჩევის პირობები განსაზღვრულია საქართველოს კანონმდებლობითა და უნივერსიტეტის წესდებით.
3. აკადემიური პერსონალის სამსახურში მიღების წესს, შრომის ანაზღაურების ოდენობასა და პირობებს, აგრეთვე აკადემიური პერსონალის დატვირთვის ზღვრულ ოდენობას აკადემიური საბჭოს წარდგინებით ამტკიცებს წარმომადგენლობითი საბჭო(სენატი).

მუხლი 26. ადმინისტრაციული თანამდებობები და სხვა პერსონალი

1. ფაკულტეტის ადმინისტრაციულ თანამდებობებს მიეკუთვნება: ფაკულტეტის დეკანი, მისი მოადგილე და ფაკულტეტის ხარისხის უზრუნველყოფის სამსახურის ხელმძღვანელი.
2. ფაკულტეტის ადმინისტრაციულ თანამდებობებზე 65 წელს მიღწეული პირი შეიძლება არჩეული ან დანიშნული იქნეს უნივერსიტეტის აკადემიური საბჭოს რეკომენდაციით.

3. მასწავლებელთა პერსონალს მიეკუთვნება მასწავლებელი და უფროსი მასწავლებელი. მასწავლებელი უფლებამოსილია გაუძღვეს სასემინარო, პრაქტიკულსა და ლაბორატორიულ სამუშაოებს აკადემიური თანამდებობის დაკავების გარეშე.
4. ფაკულტეტზე შესაძლებელია („უმაღლესი განათლების შესახებ“ საქართველოს კანონით გათვალისწინებული აკადემიური ან მასწავლებლის თანამდებობის დაკავების გარეშე) მოწვეულ იქნეს შესაბამისი კვალიფიკაციის მქონე სპეციალისტი სასწავლო ან/და სამეცნიერო-კვლევით პროცესში მონაწილეობის ან/და ამ პროცესის წარმართვის მიზნით.
5. დამხმარე პერსონალს მიეკუთვნება ამ დებულების მე-6 თავით და უნივერსიტეტის საშტატო ნუსხით გათვალისწინებული ფაკულტეტის საქმიანობისთვის აუცილებელი სხვა პერსონალი.
6. ფაკულტეტის ადმინისტრაციული თანამდებობის პირის და დამხმარე პერსონალის ვადამდე გათავისუფლების საფუძვლები დადგენილია საქართველოს კანონმდებლობითა და უნივერსიტეტის წესდებით.

თავი VIII. სტუდენტი

მუხლი 27. სტუდენტის სტატუსის მოპოვება

ფაკულტეტის სტუდენტი არის საქართველოს კანონმდებლობით, უნივერსიტეტის წესდებისა და სამართლებრივი აქტების შესაბამისად ფაკულტეტზე ჩარიცხული პირი.

მუხლი 28. სტუდენტის უფლებები

1. სტუდენტის უფლება აქვს :

- მიიღოს ხარისხიანი განათლება;
- მონაწილეობა მიიღოს მეცნიერულ კვლევებში;
- შინაგანაწესითა და დებულებებით დადგენილი წესით თანაბარ პირობებში ისარგებლოს უნივერსიტეტის მატერიალურ-ტექნიკური, საბიბლიოთეკო, საინფორმაციო და სხვა საშუალებებით;
- მიიღოს ამომწურავი ინფორმაცია უნივერსიტეტის საქმიანობის, მათ შორის, საფინანსო და ეკონომიკური საქმიანობის შესახებ;
- აირჩიოს წარმომადგენელი და არჩეული იქნეს სტუდენტური თვითმმართველობის, ფაკულტეტისა და უნივერსიტეტის მართვის წარმომადგენლობით ორგანოებში, უმაღლესი განათლების კანონის და უნივერსიტეტის წესდების შესაბამისად;

- 3) თავისუფლად დააფუძნოს ან/და გაერთიანდეს სტუდენტურ ორგანიზაციებში თავისი ინტერესების შესაბამისად;
- ზ) თავისუფლად გამოხატოს საკუთარი აზრი და დასაბუთებული უარი თქვას იმ იდეათა გაზიარებაზე, რომელსაც სთავაზობენ სასწავლო პროცესის მიმდინარეობისას;
- თ) საქართველოს კანონმდებლობითა და მიმღები უმაღლესი საგანმანათლებლო დაწესებულების წესდებით განსაზღვრული წესით სწავლების მეორე წლიდან გადავიდეს სხვა უმაღლეს საგანმანათლებლო დაწესებულებაში და მოახდინოს მისთვის გამოყოფილი სახელმწიფო სასწავლო გრანტის ამ დაწესებულებაში გადატანა;
- ი) მიიღოს სტიპენდია, ფინანსური და მატერიალური დახმარება, სხვა სახის შეღავათები;
- კ) აირჩიოს სასწავლო პროგრამა;
- ლ) პერიოდული მონაწილეობა მიიღოს აკადემიური პერსონალის საქმიანობის შეფასების პროცესში;
- მ) უნივერსიტეტის სამართლებრივი აქტებით დადგენილი წესით გადავიდეს ინდივიდუალურ საგანმანათლებლო პროგრამაზე;
- ნ) მონაწილეობა მიიღოს მისი ინდივიდუალური საგანმანათლებლო სასწავლო პროგრამის შემუშავებაში;
- ო) საჭიროებისამებრ აიღოს აკადემიური შვებულება;
- პ) სპეციალური საგანმანათლებლო საჭიროების (შეზღუდული შესაძლებლობების) მქონე სტუდენტებმა სრულფასოვანი განათლების აუცილებელი პირობების შესაქმნელად მიიღონ სხვადასხვა სახის შეღავათები;
- ჟ) განახორციელოს უნივერსიტეტის წესდებითა და საქართველოს კანონმდებლობით მისთვის მინიჭებული სხვა უფლებამოსილებანი.
2. დოქტორანტი შეიძლება არჩეული იქნას ასისტენტის თანამდებობაზე.
უნივერსიტეტის მართვის ორგანოების არჩევნებში იგი მონაწილეობს, როგორც სტუდენტი.
3. სტუდენტის მიერ აკადემიური პერსონალის თანდასწრებით გამოთქმული პირადი ინფორმაცია, ასევე ინფორმაცია საკუთარი შეხედულებების, რწმენისა და პოლიტიკური მრჩამსის შესახებ, რომელიც ამ უკანასკნელისათვის ცნობილი გახდა სასწავლო პროცესის მიმდინარეობისას კონფიდენციალურია, გარდა იმ შემთხვევისა, თუ არსებობს სტუდენტის ნებართვა ან ადმინისტრაციის კანონიერი ინტერესი დაიცვას სხვისი უსაფრთხოება.
4. ადმინისტრაციის მხრიდან დაუშვებელია საკუთარი უფლებამოსილების და მატერიალურ-ტექნიკური ბაზის იმგვარი გამოყენება, რამაც შეიძლება შექმნას ცენტურის დაწესების საფრთხე ან შეზღუდოს გამოხატვის თავისუფლება.

5. სტუდენტთა ქცევის, ასევე მის მიმართ დისციპლინური წარმოების წესები განსაზღვრულია უნივერსიტეტის ეთიკის კოდექსითა და დისციპლინური პასუხისმგებლობის ნორმებით.
6. სტუდენტი უფლებამოსილია სასამართლოში გაასაჩივროს უნივერსიტეტის მიერ მის მიმართ მიღებული გადაწყვეტილება.
7. სტუდენტის სტატუსი წყდება შესაბამისი საგანმანათლებლო პროგრამის დასრულებისას, ასევე უნივერსიტეტის წესდებითა და ეთიკის კოდექსითა და დისციპლინური პასუხისმგებლობის ნორმებით გათვალისწინებულ შემთხვევაში.

მუხლი 29. სტუდენტის ვალდებულებები

სტუდენტი ვალდებულია:

- ა) ისწავლოს უნივერსიტეტის მიერ დადგენილი პროგრამის მიხედვით ყველა ის საგანი, რომელიც საკუთარი სურვილით აირჩია და რომლის სწავლაც სავალდებულოა.
- ბ) დაიცვას უნივერსიტეტის წესდება, შინაგანაწესი, ეთიკის კოდექსი და უნივერსიტეტის სხვა სამართლებრივი აქტები.
- გ) ხელშეკრულების არსებობის შემთხვევაში შეასრულოს ნაკისრი ვალდებულებები.
- დ) გაუფრთხილდეს უნივერსიტეტის მატერიალურ-ტექნიკურ ბაზას.

მუხლი 30. სტუდენტური თვითმმართველობა

1. ფაკულტეტზე ფარული კენჭისყრით, საყოველთაო, თანასწორი, პირდაპირი არჩევნების საფუძველზე იქმნება სტუდენტური თვითმმართველობა, რომელიც „უმაღლესი განათლების შესახებ“ საქართველოს კანონის შესაბამისად გაერთიანებულია უნივერსიტეტის სტუდენტურ თვითმმართველობაში.
2. უნივერსიტეტის სტუდენტური თვითმმართველობა უნივერსიტეტის სტუდენტთა უმაღლესი წარმომადგენლობითი ორგანოა, რომელიც წარმოადგენს „უმაღლესი განათლების შესახებ“ საქართველოს კანონის შესაბამისად ფაკულტეტების მიხედვით არჩეულ სტუდენტური თვითმმართველობების ერთობლიობას.
3. სტუდენტური თვითმმართველობა საქმიანობას წარმართავს ზემოაღნიშნული კანონის, უნივერსიტეტის წესდებისა და თავისი დებულების მიხედვით.
4. ფაკულტეტის ადმინისტრაციას უფლება არ აქვს ჩაერიოს სტუდენტური თვითმმართველობის საქმიანობაში.

თავი IX. ფაკულტეტის ბიუჯეტი

მუხლი 31. ფაკულტეტის შემოსავლები

1. ფაკულტეტის ბიუჯეტს შეადგენს ფაკულტეტის მიერ მოზიდული შემოსავლები პროფესიული, საბაკალავრო, სამაგისტრო და სადოქტორო პროგრამებიდან, ასევე ნებისმიერი სხვა შემოსავალი, რომელიც მოზიდულია ფაკულტეტის მიერ და არ არის აკრძალული საქართველოს კანონმდებლობით, სტუ-ის წესდებით და სხვა მარეგულირებელი დოკუმენტებით.
2. ფაკულტეტს უფლება აქვს საქართველოს კანონმდებლობით, უნივერსიტეტის წესდებით და ამ დებულებით დადგენილი წესით გადაწყვიტოს ფაკულტეტის მიერ მოზიდული ფინანსების განვარგვასთან და მის მფლობელობაში არსებული ქონების ფლობასა და სარგებლობასთან დაკავშირებულ საკითხები.

მუხლი 32. ფაკულტეტის ბიუჯეტი

1. ფაკულტეტის ბიუჯეტის პროექტს დეკანთან შეთანხმებით ადგენს მენეჯერი, რომელსაც განსახილველად წარუდგენს ფაკულტეტის საბჭოს.
2. ფაკულტეტის საბჭოს მიერ განსაზღვრული ფაკულტეტის ბიუჯეტის პროექტი გადაეცემა უნივერსიტეტის ადმინისტრაციის ხელმძღვანელს (კანცლერს) უნივერსიტეტის ერთიანი ბიუჯეტის პროექტში ასახვის მიზნით.
3. უნივერსიტეტის ადმინისტრაციის ხელმძღვანელი (კანცლერი) ფაკულტეტის ბიუჯეტს ჩართავს ერთიან ბიუჯეტში და აკადემიური საბჭოს თანხმობით წარუდგენს წარმომადგენლობით საბჭოს (სენატს) დასამტკიცებლად, თუ ფაკულტეტის ბიუჯეტის განაწილება არ ეწინააღმდეგება საქართველოს კანონმდებლობას და უნივერსიტეტის საქმიანობის მარეგულირებელ სამართლებრივ აქტებს.
4. ფაკულტეტის ბიუჯეტს, როგორც უნივერსიტეტის ერთიანი ბიუჯეტის ნაწილს, ამტკიცებს წარმომადგენლობითი საბჭო (სენატი). წარმომადგენლობით საბჭოს (სენატს) უფლება არა აქვს ფაკულტეტთან შეთანხმების გარეშე ცვლილება შეიტანოს ფაკულტეტის ბიუჯეტში.

თავი X

გარდამავალი და დასკვნითი დებულებანი

მუხლი 33. ფაკულტეტის რეორგანიზაცია და ლიკვიდაცია

ფაკულტეტის რეორგანიზაცია და ლიკვიდაცია ხდება უნივერსიტეტის წესდების შესაბამისად, კანონმდებლობით დადგენილი წესით.

მუხლი 34. ფაკულტეტის დებულებაში ცვლილებებისა და დამატებების შეტანის წესი
ფაკულტეტის დებულებაში ცვლილებებისა და დამატებების შეტანა ხდება
ფაკულტეტის დებულების შემუშავებისა და დამტკიცების წესის ანალოგიურად.

სამშენებლო ფაკულტეტის
საბჭოს თავმჯდომარე



დ.გურგენიძე

უნივერსიტეტის წარმომადგენლობითი
საბჭოს (სენატის) სპიკერი

ჯ. გახოკიძე